

Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

In Passionem D.N. Iesu Christi Homeliae quinquaginta sex, Theorematum
viginti octo, totidemque sermones. In Monotesseron Praeterea Eivsdem
Passionis Dominicae, iuxta Euangelistarum & historiae fidem, Elucidatio.

Conciones ad Haec Paraeneticae in praecipuis anni & Sanctorum
festiuitatibus habitae

Landsberg, Johannes Justus

Coloniae Agrippinae, Anno M.DC.XXVIIII

Iesus iniquè blasphemiae accusatur Art. & Hom. XIX.

[urn:nbn:de:hbz:466:1-47113](https://nbn-resolving.de/urn/resolver.pl?urn=urn:nbn:de:hbz:466:1-47113)

IESUS IN IIQUE BLASPHEMIÆ ACCV.
satur. Arric. XIX.

ET exurgens summus sacerdos in medium interrogauit Iesum dicens: Non respondes quicquam ad ea quæ tibi obiiciuntur, & ipsi aduersum te testificantur? Iesus autem tacebat, & nihil respondit. Rursus autem summus sacerdos interrogabat eum, & dixit ei: Adiuro te per Deum viuum, ut dicas nobis, si tu es Christus filius Dei benedicti. Iesus autem dixit illi, Ego sum: Tu dicis. Veruntamen dico vobis: Amodo videbitis filium hominis sedentem à dextris virtutis Dei, & venientem in nubibus coeli. Tunc princeps sacerdotum scidit vestimenta sua, dicens: Blasphemauit: Quid adhuc egemus testibus?

HOMILIA XIX.

Testimonijs cum nullis posset Caiphas criminandi locum inuenire, ad aliam se fraudem versipellis iste conuertit. Sciebat namq; omnia falsa esse testimonia quæ fuerant adducta, quibus nil fidere posset. Pilatum quoq; prudentem esse virum, nec leuisimis illi esse accusationibus suadendū. Videbat præterea ad omnia Christum tacentem, nihil enim mitis Dominus respondebat. Frustra enim ibi responderet, vbi veritati non erat locus, vbi exquisita, quæcunq; dicebantur, erant mendacia, nec de veritate curabatur. Atq; id. non discutiebatur quid Christus dixisset, sed quid in illum posset obijci, quidve criminari. Nihil igitur magis optabatur, quam Christus vt loqueretur, quo in hac multitudine concilij quispiam illum audire, depræhendere, notare, conuincereq; potuisset, vnde calumniandi, accusandū eum, strui posse eidem causa. Surgens igitur, &c. Imparientia pontificem de sede expulit, & motu corporis infaniam indicat mentis. Ad respondentem itaq; Domini prouocat, vt ex occasione sermonis, locum inueniat accusationis. *Nihil, inquit, respondes, &c.* Non veritatem discere cupit, non locum tribuit excusationi, sed ad loquendum inuitat, vt respondentem in verbis capiat, vt noceat innocentii. Iesus autem tacebat. Sciebat Iesus quod quicquid dixisset, fuissent calumniaturi. Facebat igitur non timore, sed mysterio. Quicquid enim erat dicturus, in occasionem sciebat esse pontificem sumpturum calumniandi. Maluit igitur fortiter tacere, quam excusando se, non solum nihil proficere, verum etiam vnde detiores illos propria corum faceret malitia, obtendere. Stans itaque pontifex Domino Iesu in faciem truculentus, furoreq; plenus: *Adiuro, inquit, te per Deum, &c.* Ad alia semper consilia versutus ille se conuertit. Vnde Christo opponit, quo illum loqui compellat, nunquam tamen respondenti (vt manifestum erit) crediturus: sed quo foueam Christo paret, vt si se neget Christum, calumnietur presumptionis temerariae in docendo: si fateatur, blasphemia incuser. *Adiuro te, inquit, per Deum viuum, &c.* Non veritatem discere, sed calumniam tendere cogitat.

G

Vide